

„Дуту-дундиг дарунь чиклх кергтә“

Иим нертә бичг мана газетин 155-ч номерт барлгдснд, Каспийск района загъсна колхозмуд намрин загъс анънхд белдвр кеджәнә. Болв, савсанх белдлгънд ик дуту-дунд бәәнә. Прикаспийск МРС 162 савас 90 сав белддж. 59 савин ясвр экләд уга,—гидж заагдла.

КПСС-н Каспийск районн комитет шүүдж хәләсн — бичгт барлгдсн тоот үнн болв. Прикаспийск МРС-н дирекц болн эклц партийи организац эн дуту-дундиг уга кехд эв-аргъ олзлв. Савин ясврт КПСС-н райкомин болн района кӯцагч комитетин дөнъгәр дотр-дун-

дк боли районд бәәх эв-аргъ олзлгдв. Савсин ясврт 50 куб. метр тосхлтин модн өггдв, даругъас 12 вагон модн ирхмн. 14 реюшк болн 18 онъгъц шинәс авб, иим савс загъсна флотин тоог икдүлв.

Социалистическ дөрлдә өргәр делгрүлдж, савсин ясврт кōдлмшин цагиг икдүлснә тōләд намрин загъс анънлгънд 48 ставной шүүгүл, 101 реюшк, тенъгсин 53 бударк болн 1 мотобот белн болв. Августин 21-д ставной шүүгүлин караван тенъгст гарв,—гидж КПСС-н Каспийск райком редакц сонъсхв.